



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1515685

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

01 ապրիլի 2022թ.

ք. Երևան
(կազմման վայրը)

Ակտի հասցեագրեր

«ԲԵՍՏ ՖՐՈՒԹՍ ԱՄ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	1	2	8	4	9	7	1
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Ք. Երևան, Մալաթիա-Սեբաստիա, Ծերենցի փ. 24

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 14.02.2022թ-ի թիվ 1515685 որոշման համաձայն «ԲԵՍՏ ՖՐՈՒԹՍ ԱՄ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 22.03.2022թ-ին ժամը 15:10-ի սահմաններում, գ. Փարաքար Գ. Չաուշի 2 հասցեում գտնվող «ԲԵՍՏ ՖՐՈՒԹՍ ԱՄ» ՍՊԸ-ի պահեստային տարածքից ընկերության աշխատակից՝ Սարիբեկ Ուստյանի կողմից շահագործվող «Ford» մակնիշի 808 PP 11 հաշվառման համարանիշի ավտոմեքենան դուրս է եկել և ժամը 15:40-ի սահմաններում կայանվել է ք. Երևան, Վանոյան 61 ա, 14 հասցեում գտնվող ընկերության պահեստային տարածքի մոտակաընթացում: Իրաանցված ՕՀՄ-ի արդյունքում պարզվել է նաև, որ նշված ավտոմեքենայով ընկերության կողմից իրականացվել է ընդամենը 209 000 ՀՀ դրամ արժեքով ապրանքների տեղափոխում՝ առանց համապատասխան ուղեկցող փաստաթղթերի, մասնավորապես՝

1. «Նարինջ պարսական» 280 կգ – 1 կգ x 300=84 000 ՀՀ դրամ

2. «Լոլիկ պարսկական» 250 կգ – 1 կգ x 500=125 000 ՀՀ դրամ

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 209 000 ՀՀ դրամ արժողությամբ ապրանքների տեղափոխման համար ընկերության կողմից 22.03.2022թ-ին ժամը 15:40-ի դրությամբ դուրս գրված չի եղել համապատասխան ուղեկցող փաստաթուղթ:

Թիվ 1515685 արձանագրությամբ 23.03.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացրել 31.03.2022թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայությունների մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի «բ» ենթակետի, համաձայն որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման կամ ապրանքների հետագծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետագծելիությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ սույն մասի 1-ին կետում նշված խախտումն արձանագրվելուց հետո՝ խախտման երրորդ և ավելի փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 200 տոկոսի չափով, բայց ոչ պակաս մեկ միլիոն դրամից:

Տվյալ դեպքում «ԲԵՍ ՖՐՈՒԹՍ ԱՄ» ՍՊԸ-ի կողմից խախտումը վերջին 1 տարվա ընթացքում կատարվել է երրորդ անգամ (ՀՀ ՊԵԿ իրավաբանական վարչության 12.05.2021թ-ի թիվ 1511868, և 29.12.2021թ-ի թիվ 1514624 վարչական ակտեր): Ապրանքների ընդհանուր գումարը կազմում է 209 000 ՀՀ դրամ, որի 200 տոկոսը կազմում է 418 000 ՀՀ դրամ, ուստի օրենսդրական պահանջից ելնելով «ԲԵՍ ՖՐՈՒԹՍ ԱՄ» ՍՊԸ-ի նկատմամբ կիրառելի է 1.000.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «ԲԵՍ ՖՐՈՒԹՍ ԱՄ» ՍՊԸ-ին գանձման առաջադրել 1.000.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	1.000.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն՝ Ալեքսանդր Մալխասյան

ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանատու անձ՝ հալոսկ առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)